

# 鳳臺縣志

第十册

160161  
3411  
2010





鳳臺縣志

第十册



凤台县志卷之十七

艺文诗

魏

苦寒行

魏武帝

北上太行山，艰哉何崔巍。  
羊肠阪，诘屈车轮为之摧。  
树木何萧瑟，北风声正悲。  
熊羆对我蹲，虎豹夹路啼。  
谿谷少人，民雪落何霏霏。  
延颈长欢息，远行多所怀。  
我心何拂鬱，思欲一东归。  
水深桥梁绝，中道正徘徊。  
迷惑失故路，薄暮无宿栖。  
行行日已远，人马同时饥。  
担囊行取薪，斧冰持作糜。

鳳臺縣志

卷之十七

诗

一

悲彼东山诗悠悠使我哀

晋

扶风歌

刘琨

水经注丹水东南流注於丹谷即刘越石扶风歌所谓丹水者也

朝发广莫门，暮宿丹水山。  
左手弯繁弱，右手挥龙渊。  
顾瞻望宫阙，俯仰御飞轩。  
据鞍长叹息，泪下如流泉。  
系马长松下，发鞍高岳头。  
烈烈悲风起，泠泠涧水流。  
挥手长相谢，哽咽不能言。  
浮云为我结，归鸟为我旋。  
去家日已远，安知存





与亡慷慨穷林中抱膝独摧藏麋鹿游我前猿猴戏我侧  
资粮既乏尽薇蕨安可食揽辔命徒侣吟啸绝巖中君子  
道微矣夫子故有穷我欲尽此曲此曲悲且长弃置勿重  
陈重陈令心伤

陈

并州羊肠坂

江总

三春别帝乡五月度羊肠本畏车轮折翻嗟马骨伤惊风  
起朔雁落照尽扶桑关山定何许徒御惨悲凉

唐

鳳臺縣志

卷之十七

诗

二

登泽州城北楼

陈子昂

平生倦游者观化久无穷复来登此国临眺与君同坐见  
秦兵垒遥闻赵将雄武安君何在长平事已空且歌元云  
曲御酒舞薰风勿使青衿子嗟尔白头翁

太行苦热行

刘长卿

迢迢太行路自古称险恶千骑俨欲前群峰望如削火云  
从中起仰视飞鸟落汗马卧高原危旌倚长薄清风何不  
至赤日方煎烁石露山水焦鳞穷水泉涸九重今盱食万  
里传明略诸将候轩车元凶愁鼎鑊何劳短兵接自有长



纓縛通越事豈難渡滬功未博朝辭羊腸坂夕望具邱郭  
漳水斜遶營常山遙入幕永怀姑蘇下因寄建安作白云  
和難成滄波意空托陳琳書記好王粲從軍樂早晚歸漢  
庭隨公上麟閣

奉和李大夫同呂評事太行苦熱行兼寄院中諸公

独孤及

駟馬上太行修途亘辽碣王程无留駕日昃未遑歇請問  
此何時恢台朱明月長蛇稽天討上將方北伐明主命使  
臣皇華得時杰已忘羊腸險豈憚濕風熱搖策汗滂滄登

鳳臺縣志

卷之十七

詩

三

岸思紆結炎云如烟火谿谷將恐竭昼景絕可畏涼飈何  
由發山長飛鳥墮目極行車絕趙魏方俶扰安危俟明哲  
歸路豈不怀飲水有苦节会同傳檄至疑议立談决况有  
阮元瑜翩翩秉书札起予歌赤坂永好踰白雪誰念剖竹  
人无因執羈繼

七月一日晓入太行山

李贺

一夕達山秋香露溘蒙葁新橋倚云阪侯虫新露扑洛陽  
今已遠越衾誰為熟石氣何妻淒老莎如短鏃

初入太行路

白居易



天冷日不光太行峰苍莽尝闻此中险今我方独往马蹄冻且滑羊肠不可上若此世路难犹自平於掌

初冬月夜得皇甫泽州手扎並诗数篇因遣报书偶

### 题长句

清冷玉韵两三章落落银钩七八行心逐报书悬雁足梦

寻来路遶羊肠水南地空多明月山北天寒足早霜

履道所居

在水南泽州在太行之北地也最恨泼醅新熟酒迎冬不得共君尝

### 石佛谷

皇甫曙

漫漶太行北千里一块石平腹有谿谷深广数百尺土僧

### 鳳臺縣志

### 卷之十七

诗

四

何为者老草毛髮白寢处容身兔足膝隐成迹金仙琢灵像相好倚北壁化座五云扶玉毫六虚射文人留纪述时事可辨析鸟趾巧均分龙骸极癯瘠枯松阔槎枿猛兽恣腾掷蛄蝓虫食纵悬垂露凝滴精艺贯古今穷严谁爱惜托师禅诵馀勿使塵埃积

### 北上行

李白

北上何所苦北上缘太行磴道盘且峻巉巖凌穷苍马足蹶侧石车轮摧高岗沙尘接幽州烽火连朔方杀气毒剑戟严气裂衣裳奔鲸夹黄沙凿齿屯河阳前行无归日返



顾思旧乡惨憾冰雪里悲号绝中肠尺布不掩体皮肤裂  
枯桑汲水涧谷采阻薪塋坂长猛虎又掉尾齿牙皓秋霜  
草木不可飡饿饮零露浆叹此北上苦停驂为之伤何曰  
王道平开颜覩天光

偶然作六首之一

王维

日夕见太行沉吟未能去问君何以然世网婴我故小妹  
日成长兄弟未有娶家贫禄既薄储蓄非有素几回欲奋  
飞踟蹰复相顾孙登长啸台松竹有遗处相去诂几许故  
人在中路受染日已薄禅寂日已固忽乎吾将行宁俟岁

鳳臺縣志

卷之十七

诗

五

云暮

将之泽潞留别王郎中

李端

弱年知己少前路主人稀贫病期相惜艰难又忆归事成  
应未卜身贱又无机幸到龙门下须因羽翼飞

送李端之泽潞

耿沛

世上许刘正洋洋风雅声客来空改岁归去未成名远近  
天初暮关河雪半晴空怀谏书在回首恋承明

早登太行山中言志

元宗

清蹕渡河阳凝笳上太行火龙明鸟道铁骑绕羊肠白雾



埋阴壑丹霞助晓光  
涧泉含宿冻山木带馀霜  
野老茅为屋樵人薛作裳  
宣风问耆艾敦俗劝耕桑  
凉德惭先哲徽猷慕昔皇  
不因今展义何以冒垂堂

奉和圣制早登太行山率尔言志

张九龄

孟月掇提贞乘时我后征  
晨严九折度暮戒六军行  
日御驰中道风师卷太清  
戈铤林表出组练雪间明  
动植希皇豫高深奉睿情  
陪游七圣列望幸百神迎  
气色烟犹喜恩光草尚荣  
之罟称万岁今此复同声

前题

苏颋

鳳臺縣志

卷之十七

诗

六

北山东入海驰道上连天  
顺动三光注登临万象悬  
俯观河内邑平指洛阳川  
按蹕夷关险张旗亘井泉  
晓巖中警柝春事下蒐田  
德重周王问歌轻汉后传  
宸游铺合典睿思起芳年  
愿以封书奏迴銮禅肃然

前题

张说

六龙鸣玉銮九折步云端  
河络南浮近山经北上难  
羽仪映松雪戈甲带春寒  
百谷晨笳动千巖晓仗攢  
皇心感韶节敷藻念人安  
既立省方馆复建礼神坛  
扈蹕参天老承荣忝夏官  
长勤百年意思见一胜残



前题

张嘉贞

明发扈山巅飞龙高在天山南平对巩山北远通燕瞻彼  
岗峦峻凭兹士马妍九圻行若砥万谷辘如川罗网开三  
面间阎问百年泽将春雪比文共晓星连溪后逢今圣登  
台谢曩贤唯馀事君节不让古人先

前题

苗晋卿

金吾戒道清羽骑动天声砥路方南纪重巖始北征关楼  
前望远河邑下观平喜气迴輿合洋风入旆轻祝尧三老  
至会禹百神迎月令农先急春蒐礼复行仍亲后土祭更  
礼晋阳兵不似劳车辙空留八骏名

鳳臺縣志

卷之十七

诗

七

餞泽州卢使君

苏颋

闻道降纶书为邦建綵旟政凭循吏往才以贵卿除词赋  
良无敌声华藹有馀荣承四岳后请绝五天初关路通秦  
壁城池接晋墟撰期行子赋分与列侯居别望喧追餞离  
言系惨舒平芜寒葢乱乔木夜蝉疎寥泐秋先起推移月  
向虚旧交何以赠客至待烹鱼

题泽州石佛阁

李华

览胜诗千首登高酒一壶此情谁管领分付石浮图



琵琶泚

权澈

咨予白髮年始佐丹水曲夙愿解尘组幸兹洗烦欲琵琶  
翠泓湛且清屏风画壁势相迎怪栢飏网杂风雨龟龙暘  
淡游虚明北行七里有灵迹潭中圣字看历历一符君德  
应明时一契吾真誓幽适由来此泓 传今夕覩之信  
可怜夷犹顿使宦积薄日暮濯缨心浩然

送李相公昭义平复起北宣慰员外副行

顾非熊

天井虽收寇未平所司促战急王程晓驰云骑穿花去夜

鳳臺縣志

卷之十七

诗

八

与星郎带月行新詠尽题关外事故乡因过洛阳城时逢  
寒食游人识竟说从来有大名

行次昭应县道上送户部李郎中充昭义攻讨

李商隐

将军大旆扫狂童诏选名贤赞武功暂逐虎牙临故绛远  
含鸡舌过新丰鱼游沸鼎知无日鸟覆危巢岂待风早勒  
勋庸燕石上佇光纶綍汉廷中

韦道安

柳宗元

道安本儒士颇擅弓剑名二十游太行暮闻号哭声疾驱



前致问有叟垂华缨言我故刺史失职还西京偶为群盗  
得毫缕无馀赢货财足非恠二女皆娉婷苍黄见驱逐谁  
识死与生便当此殒命休复事晨征一闻激高义皆裂肝  
胆横挂弓问所往趑捷招崢嶸见盗寒响阴罗列方忿争  
一矢毙酉帅馀党号且惊麾令递束缚缠索相拄撑彼妹  
久褫魄刃下俟诛刑却立不亲授谕以从父行措收自担  
肩转道趋前程夜灯敲石火山林如昼明父子更抱持涕  
泗分交零顿首愿归货纳女称舅甥道安奋衣去义重利  
固轻师婚古所病合姓非用兵竭来事儒术十载所能逞

鳳臺縣志

卷之十七

詩

九

慷慨张徐州朱邸扬前旌投驱获所愿前马出王城辕门  
立奇士淮水秋风生君侯既即世麾下相欹倾立孤抗王  
命钟鼓四野鸣横溃非所壅逆节非所婴举头引白刃顾  
义谁顾形烈士不忘死所死在忠贞咄嗟狗杈子翕习犹  
趋荣我歌非悼死所悼时世情

題西白澗

韩愈

太行之下清且浅一水盘桓紆山转千峰万壑不可数异  
草幽花几曾见波中白石隐复明风翻不动浮云轻翠峦  
玉女下双鹤笑倚秋练开新晴又疑武陵溪上原桃花溪



尽空潺湲幽泉间复逗崑侧喷珠漱玉相交喧群猿见之  
走绝壁缘峰虚梯弗劳力鸣禽回面背人飞为是从来不  
相识杖藜因贪仰面看碍石牵萝错移屐路穷曲屈疑欲  
回迤迳屏开一重碧残樽遇坐酒即倾旋摘山果都无名  
题诗且欲尽佳句触歌翻詠仙难成天门幽深十里西无  
奈落日催人归谁能可属天官事为我乞取须臾期上天  
无梯日不顾牢落归来坛未暮闭门下马一衾寒梦想魂  
驰在何处

题远公经台

祖詠

鳳臺縣志

卷之十七

诗

十

兰若无人到真僧出复稀苔侵行道席云湿坐禅衣涧鼠  
缘香案山蝉噪竹扉世间长不见宁止暂忘归

丹水

杜牧

何事苦萦迴离肠不自裁恨身随梦去春态逐云来沈定  
蓝光彻喧盘粉浪开翠巖三百尺谁作子陵台

晓发天井关寄李师晦

许浑

山在水滔滔流年欲二毛湘潭归梦远燕赵客程劳露晓  
红兰重云晴碧树高逢秋正多感万里别同袍

天井关

韦庄



太行山上云深处谁向云中筑女墙短纆詎能垂玉甃  
繚垣何用学金汤劘开岚翠为高垒截断云霞作巨防守吏  
不教飞鸟过赤眉何路到吾乡

闻前王使君在泽潞居

贯休

为善无近名窃名者得声不如心诚哉是言也使君圣朝  
瑞乾符初刺婺德变人性灵笔变人风土烟霞与虫鸟和  
气将美雨千里与万里各各来相附信哉有良吏元灏应

百数

东阳古者相传有记云刺史满一百即有好刺史来  
后有寇至使君来正当一百人两年后果有黄贼

来公避地远去

古人自古人今日又见民歌六七袴不幸大

鳳臺縣志

卷之十七

诗

十一

寇崩腾来孤城势孤固难鞫攀辕既不及旌旆冲风露大  
驾已西幸飘零何处去婺人空悲哀对生祠泣沾莓苔忽  
闻暂寄河之北兵强四面无尘埃唯祝銮輿早归来用此  
咎繇仲虺才使四野雾廓八絃镜开皇天无亲长与善邻  
宜哉宜哉

宋

依韵酬毋湜推官

泽人有金进士毋彦伦系湜之后

圣门非入室文阵敢争盟不意栖云阁何才隶月卿珍禽  
怜未至霄鸞引修程直舍有仙味秘庭无俗声午阴宫树



綠宵刻禁鐘清奉制歌三秀稱觴听古英恩輝孤易感交  
結淡難成新髮鑑中改旧山天际橫纓思漁父濯春伴隼  
旃行桃浪觀秦塞薰風省舜城几多興廢迹重叠古今情  
進退思先覺蹉跎畏后生見貽如美錦欲報念英琮淨揖  
澄江練高窺擢露莖復惊聞正始終仰輔登閱好勵圖南  
志翱翔覽四瀛

太行

司馬光

象帝胚渾散愚公轍迹开橫行四極外蟠据九河隈崑鬱  
天关近崢嶸地轴回阳崖明草樹阴壑轉風雷波沓群峰

鳳臺縣志

卷之十七

詩

十二

涌云奔峭壁來猿嶺垂磊落龙窟斗喧騰噴雨惊湍灑跳  
星巨石頽平塗忧履折跬步戒輪摧覆頂千春雪緣潭万  
古苔谷盤容國士髓裂餌仙才晋市飞樵札燕郊落燒煤  
碁圖分冀野蚁壤认丛台在昔王塗塞尝聞霸略恢严关  
阴伏甲間道夜銜枚挟詐揮金斗貪功袞墨縑戰場空爝  
火京觀悉蒿萊險易曾何變興亡只可哀隆平方恃德襟  
帶自崔嵬

苦寒行

穷冬北上太行岭霰雪糾結風崢嶸熊潛豹伏飞鸟絶一



逕仅可通人行  
僮饥马羸石磴滑  
战慄流汗皆成冰  
妻愁儿号强相逐  
万险历尽方到并  
并州从来号惨烈  
今日乃信非虚名  
阴烟苦雾朝不散  
旭日不复能精明  
跨鞍揽辔趋上府  
髮拳须磔指欲零  
炭炉炙砚汤涉笔  
重复画字终难成  
谁言醇醪能独立  
壶腹迸裂无由倾  
石脂装火近不热  
蓬勃气入头颅腥  
仰惭鸿雁得自适  
随阳南去何溟溟  
又惭凫鸟识时节  
巖穴足以潜微形  
我来盖欲报恩分  
契阔非狗利与荣  
古人有为知己死  
只恐冻骨埋边庭  
中朝故人岂念我  
重裘厚履飘华缨  
传闻此北更寒极  
不知彼

鳳臺縣志

卷之十七

詩

十三

民何以生

送仲更归泽州

太行横拥巨川回  
三晋由来产异才  
展墓乘春走乡陌  
负书拂晓下兰台  
河阳路侧花应合  
天井关头雪未开  
会使乡人惊六印  
莫羞今日敝裘来

谢王泽州寄长松兼简张天觉二首 苏轼

莫道长松浪得名  
能教覆额两眉青  
便将径寸同千尺  
知有奇功似茯苓

凭君说与埋轮使  
速寄长松作解嘲  
无复青黏和漆叶  
枉



将锺乳敌仙茅

送张天觉河东提刑

送君应典鹔鹑裘凭仗千锺洗别愁脱帽风流馀长史埋  
轮家世本留侯子河骏马方争出昭义疲兵得少休定向  
秋山得佳句故关黄叶满行辀

琵琶湓

杨 谟

晋城出郭十里馀嫩柳山花满巖麓苍苔蹭蹬步亦艰百  
丈悬崖挂层屋老僧正睡门不开习习阴风起幽谷耳聩  
不闻琵琶声但见一泓春水绿

鳳臺縣志

卷之十七

诗

十四

访益上人兰若

严 羽

独寻青莲宇行过白沙滩一径入松雪数峰生暮寒山僧  
喜客至林阁借人看吟罢拂衣去钟声云外残

古诗

黄 廉

河东人物气劲豪泽州学者如牛毛大家子弟弄文墨其  
次亦复跨弓刀去年较射九百人五十八人同赐袍今年  
两科取进士落钓连引十三鳌迹来习俗益趋善家家门  
户争相高驱儿市上买书读宁使田间禾不薈我因行县  
饱闻见访问终日忘勤劳太平父老知此否语汝圣世今



难遭欲令王民尽知教先自乡里丞群髦古云将相本无种从今着意鞭儿曹

钱柬之教授惠泽州吕道人砚为赋长句

陈与义

君不见铜雀台边多事土走上觚稜荫歌舞馀香分尽垢不除却寄书林污缣楮岂如此瓦凝青膏冷面不识奸雄曹吕翁已去泐馀泣通谱未许宏农陶暮年得君真耐久摩挲玉质云生手未知南越石虚中亦有文章似君否西家扑满本弟昆趣清尚浊何年分一朝堕地真瓦砾莫望

鳳臺縣志

卷之十七

詩

十五

韩公无瘞文

奉答懃师山中见寄

李之才

羨子幽栖地空山十月天清檐朝飮后寒壁夜深禅霜树留残果冰崖断旧泉刘雷好为社邑客有谁贤

秋郊晚望

善懃

华郭外登临凝眸秋色深树凋分岳面云破露天心断雁当空续残阳隔陇沉盘桓伤急景回首动微吟

太行道

苏舜欽

行行太行道一步三太息念厥造化初夫何险此极左右



无底壑前后至顽石高者欲作天朋党深者疑断地血脉  
夜中巖下埋斗杓日午阴壁风雷号攀缘有路到绝仞四  
望群峰合沓如波涛忽至偏侧处咫尺颠坠恐莫逃嗟乎  
古昔未开时隔绝往来人不思淳源一破山岳碎巧心遂  
至缘险巖险巖不穷甚可畏悼此二者亡其宜天地不自  
嶮嶮由人为之彼车摧轮马伤足中路勿叹勿痛哭世上  
安塗故有焉孰使汝行此道驱高轩丧坠不收宜尔然

宋骑吹曲李侍中妾歌

谢翱

李筠爱将惟儋珪美人姓刘筠侍儿城危抢拔不得力雨

鳳臺縣志

卷之十七

诗

十六

损铅华帐下啼拥髻前言马有几犹说闺中那问此赤龙  
从东乘日车火绕城门内蛇死英雄际会风云奔妇人思  
报罗裳恩

上太行

徐范

路绕羊肠蹶屐跻万山金碧总堪题举头日月中天近极  
目乾坤五岳低自笑盐车骐驎厄谁怜荆棘凤凰栖欲投  
古寺禅房宿喜见僧归落日西

过太行山

茫茫远树隔烟霏猎猎西风振客衣山雨未晴岚气溼溪



流欲尽水声微回车庙古丹青老碗子城荒草木稀珍重  
狄公千载意马头重见白云飞

儿归行

孔武仲

竹元珍云泽州山中暮春之月有鸟啼曰儿归者其声  
甚哀问之乡民云昔有里妇爱其子而憎前室之子欲  
逐之未有计乃於种麻时熟其半生其半使二子分种  
曰麻生乃得归而误以熟者与已子久之所恶之子归  
而已子不返往视之则已化为飞禽啼曰儿归今乡人  
以为种麻之时候余谓人之憎爱藏乎胸中阴谋所发

乃在分种之际而心手倒错事与愿违朝人暮禽子母  
生隔似有巧者主张斡旋於冥冥之间天网虽疎其应  
甚密则夫为人上而接其下用心积虑可不戒哉又知  
天之所以垂戒示迹於人者殆将使之推类以自广非  
独此一女子也乃作诗以记之

儿归儿不归朝为母子欢暮为禽鸟飞故居不得返深林  
安可依此身寂寞已如此我母在家应忆子子今岂不思  
其亲空有旧心无旧身儿归儿不归春已暮朝多风夕多  
雨山虽有泉陇无黍儿寒有谁诉儿饥与谁语万物卵冀



皆相随儿今不得儿子母儿归儿不归年年三月种麻时  
此声烦且悲闻昔一母而两儿於已所生独爱之麻生指  
作还家期唯憎者来爱者去物理反覆不可知天公岂欲  
故如此善恶报敏如坝篋至今哀怨留空山长为鉴戒子  
母间岂独行客愁心颜几归摧痛伤心肝

金

蔺相如墓

田天泽

翠叠峰峦步嶂新上卿庙貌万年春可怜完璧归来后故  
里萧萧也入秦

鳳臺縣志

卷之十七

诗

十八

宝巖僧舍

宗道

寂寂钟鱼栢满轩午风轻飈煮茶烟西堂竟日无人到只  
许山人借榻眠

晚过寿宁寺

郭俟

稻垄分碁局松门入画图牛羊归自急鸥鹭宿相呼落日  
低青嶂高风起暝途归僧上烟霭回首愧区区

揽秀轩

寺得新游处轩餘旧赋诗山川蒲子国松柏晋侯祠行止  
非人力登临且岁时道人应笑我真负鹿门期



三月望日次边德举揽秀轩

水遶千家邑山围一席天桑麻新雨露松柏老风烟梦后  
馀芳草愁时更杜鹃亦知推不去端用得忘年

游法轮院

许安仁

太行冈岭横漫漫撑空一带云霞间巨鳌背负数州出重  
重山上复有山高都城头见松岭突兀双峰螺髻並招邀  
析城揖王屋指顾硖石瞰天井萧萧风叶满山秋巖峦掩  
抱云林幽攀崖转壑路欹侧虽有佛刹谁曾游年丰郡邑  
闲无事琴酒招呼二三子题诗古壁赠山僧略记衰翁曾

鳳臺縣志

卷之十七

詩

十九

到此

宿福巖禪院

硖石巉巖一逕幽神功开凿几经秋青莲殿阁千山拥丹  
水波涛万古流林壑深埋龙虎气云烟误入凤麟州今宵  
擲笔台边月来照幽人物外游

青寺莲

硖石山藏古洞天秀巖水隐老蜿蜒巨峰蔽日两株角叠  
嶂排空三叶莲兰若政当群景会规抚方悟昔人贤涅槃  
大义笼高阁擲笔危台鑱碧烟



圣迹名山自古传太行庐阜渺云烟青莲寺比白莲社北  
远名齐南远贤下界林泉蟠万壑上方楼阁会诸天自怜  
未得安心法只有僧窗且遏缘

宿福巖院

壶中烟景水云闲寺在千巖万壑间一夜西窗冷无寐卧  
看月落凤凰山

松岭谒卫公祠

杨廷秀

泽居太行巔绕郭山如带西南古松岭杰出群峰外巉巉  
耸熊耳隐隐负鳌背小楼不垂帘倚栏日相对春风遇休

鳳臺縣志

卷之十七

诗

二十

沐浴累谢机械寸心渴登临老气鼓衰惫阴崖冰磴滑凌  
涧鸟道隘瘦藤盘绝顶清境豁眼界卫公庙貌存英气凛  
如在法轮灵迹古殿阁启綵绘祖灯相继续劫火不可坏  
盘亭接天坛胸次何芥蒂苍流会清泚缘络分支派翠峦  
卧浮云幽壑产珍怪松风咽笙磬巖溜响环珮此来真胜  
游所适了无碍不作白头吟且偿行脚债可唤千金儿漫  
写垂堂戒

青莲寺

青莲胜概名天下竹杖芒鞋得得来障日乱峰围翠柏倚



天峭壁老苍苔一炉沉水藏经阁千古清风掷笔台欲访  
开山圣贤迹断碑细与拂尘埃

宝巖纪行

元好问

阴崖转清深秋老木坚瘦城居望已远步觉脱氛垢宝巖  
夙所爱丈室方再叩曛黑才入门逕就石泉漱遥遥金门  
寺宝焰出巖窔我岂无尽公昔见今乃又同来二三子寝  
饭故相就况有杜紫微琴筑终雅奏矻矻上初日深樾炯  
穿漏透迤陟西巘万景若迎候绝壁三面开仰看劳引脰  
两山老突兀屹立柱园覆诸峰出头角随起随偃仆不可

鳳臺縣志

卷之十七

诗

二一

无烟霞朝莫为先后横亘连巨鳌飞堕集灵鹫九华与奇  
巧五老失浑厚想当位置初遂欲雄宇宙太行有谿谷胜  
绝无出右大似尘外人眉宇见高秀哀湍下绝壑电激龙  
怒斗崩奔翻雪窖莹滑泻琼甃穷源得悬流伟观骇初遭  
仙人宝楼阁白雨散檐溜天孙拂机丝素锦绚清昼永怀  
登高赋意匠因驰骤窘於游暴秦百说不一售林间太古  
石稍复坏饮旧已约铭洼尊细凿留篆籀兹山缘未了僧  
夏容宿留终当旬餘年奇探尽云岫

賦澤人郭唐臣所藏山谷洮石研

研有銘云王將軍  
為國開臨洮有司



岁魂可会者六百鉅万其于中国  
得用者此研材也研作璧水样

旧闻鸚鵡会化石不数鸚鵡能莹刀县官岁费六百万才  
得此研来临洮元云肤寸天下徧璧水直上文星高辞翰  
今谁江夏笔三钱无用试鸡毛

崆谷圣灯

九月五日作

金门寺前山突起井底宝巖三十里旧闻圣灯在山上紫  
微侍郎宜不妄山空月黑无人声林间宿鸟时一鸣游人  
烧香仰天立不觉紫烟峰头一灯出一灯一灯续一灯山  
僧失喜见未曾金绳脱串珠散迸玉丸走样光不定飞行

鳳臺縣志

卷之十七

诗

二二

起伏谁控搏华丽清园自殊胜北荒烛笼开晦冥南极入  
地多异星岂知心光毫相有真遇物外恍惚终难凭腐儒  
心魄为动荡再拜中庭谢灵贖何曾办作刘更生下照乃  
辱青藜杖昨朝黄华瀑流神所怜今朝金门佛灯佛作缘  
纷纷世议何足道尽付马耳春风前

天井关

石磴盘盘积如铁牛领成创马蹄穴老天与世不相关宣  
圣栖栖此迴辙二十年前走大梁当时尘土困名场山头  
千尺枯松树又见单车下太行自笑道途头白了依然直



北有羊肠

羊肠坂

浩荡云山直北看，凌兢羸马不胜鞍。老来行路先愁远，贫里辞家不觉难。衣上风沙欲憔悴，梦中灯火忆团圞。凭谁为报东州信，今在羊肠百八盘。

青莲寺

宋雄飞

距州仅一舍，得造古名寺。龙潭蓄神奇，虎径转幽邃。树深峡始门，日落山各位。烟霞媚清秋，金碧化平地。高僧福闲境，造物不能闕。诗人弔陈迹，等是梦中记。予生僻林泉，卜

鳳臺縣志

卷之十七

诗

一三

筑意未遂，区区了公私。万虑贮曾次，此来真有缘。俗事且姑置，胜处既周览。静憩宿双翠，独怜杖屨游。绝胜萧鼓醉，俄然促归程。却作尘埃吏。

五龙祠祷雨

李晏

麦槁禾焦，厌火云引觞。潜祷五龙神，君能借我青驄马。倾倒天瓢，济此民。

闻赵闲闲再起为翰林

密国公琦

莲烛光中久废吟，一朝超擢睿思深。四朝耆旧大宗伯，三纪声名老翰林。人道蛟龙得云雨，我知麋鹿强冠襟。宝巖



崆谷西窗梦不信秋来不上心

鲁村道中

鲜于溥

小桥沙路已堪图更著衰翁跨蹇驴暮靄似催寒日短秋  
容仍带远林踈鷗盘平野黄榆落兔走横罔白草枯渐喜  
闲身远朝市一年强半在村墟

寄李用章

秦彦容

先生高见真吾师速营菟裘犹恨迟窗明炕暖十笏地松  
风萧萧和陶诗山野已寻云外路直入天坛最深处踏开  
李愿旧游踪请君自草盘谷序

鳳臺縣志

卷之十七

诗

二四

婦晴妇

李俊民

世俗为婦晴妇者盖假燮理之手导阴阳之和使  
民间免乾溢之患也感其事而赋之

卷袖褰裳手持帚挂向阴空便摇手前推后却不辞劳欲  
动不动谁掣肘偶人相对木与土神女但誇朝复暮龙公  
不作本分事中间多少闲云雨见说周人忧旱母宁知东  
海无冤妇慙慙更倩封家姨一时断送龙回首

庙学落成

斯文天未丧吾道已先厄方嗟凤兮衰遽叹麟也获继遭



秦焚书又被鲁坏宅迹来天下事多自马上得不修下车  
礼不献在泮馘不授羽林经不讲博士席旁若没字碑肯  
见一缝掖偶因长乐老尽挟菟园册及见中选人始知为  
学益学者如牛毛自古数濩泽莲年取青紫易於地芥拾  
争将逸驾攀遂向寒路辟挥之无倚门从者皆入室肃肃  
俎豆风洋洋絃歌邑几时复论秀四海望偃伯缺一二响者  
谁世无秋风客

壬寅岁旱官为设食以济饥民

千里地赤泽未霑骄阳为沴烈火炎就中秦头晋尾旱魃

鳳臺縣志

卷之十七

诗

二五

所栖托十室九室突不黔撑肠一饱岂易得咀嚼草木如  
荠甜山川课云职不举无奈风伯号令严民是天民天自  
恤何时霹雳起龙潜

儿归来

禽名

儿归来儿归来百年郎罢恨何日宁馨回东去但除严母  
墓望思空筑茂陵台儿归来儿归来一声未尽一声哀

辛丑中秋夜与用亨汉臣济之君详子昂仲宽及诸

同志聚饮於学宫阴不见月

节物相催近觉频胜游攜酒意何勤几人白髮对明月万



里青天愁片云嫋嫋风高秋已半厌厌客醉夜将分督邮  
气味从来恶今日罇前也献芹戏遂良酒  
莫嫌胜日燕游频且慰寒窗力学勤白也停杯将问月退  
之利剑欲开云清光难比秋三夜痛饮何辞酒百分况在  
泮宫思乐地与君共采水中芹

九日济之君祥仲宽子昂攜酒於汉臣书斋小酌已  
而乘兴与众老人会於城西马氏东篱谈笑尽醉  
抵莫而归为赋此以纪一时之胜事

相扶醉袖出西城翠展秋山一望晴坐上孟嘉嘲未解篱  
边陶令话多情酒犹强饮狂时药菊莫寻餐落后英兴尽  
归来天色莫老人星散月还生

姚子昂寿日

二月初三日

门外风光二月初衣冠把酒庆悬弧一生接物无肠蟹万  
事随缘短胫鳧座上书空窥草圣醉中疥壁笑诗奴年来  
世事俱尝遍只合千金养客躯

谒秦吴二主祠

三月十八日与马子温郭谦甫杨茂之叔姪刘济  
之君祥仲宽姚子昂邢文炳同行



頽垣殿墜夕阳中  
血食須同事不同  
揖让干戈两陈迹  
酹觞抛与落花风

杖藜行处记曾过  
草草杯盘野兴多  
举目山川纵如旧  
一场梦抵几南柯

赠碧落和讲主

萧萧古寺掩松间  
雨后无人草木闲  
扫地家风谁举似  
我师特特为开山

和王成之梅韵

朝来一雪幕晴沙  
行到前村始见花  
驿使便将春色去  
暗

鳳臺縣志

卷之十七

詩

二七

香今夜落谁家

吴神

山头多少往来人  
香火争将瓦鼎焚  
箫鼓下山人渐远  
晚风吹起一溪云

大阳与诸友话旧

寻芳来入杏花村  
见客人人有典型  
不用看碑问前事  
坐间一话即图经

过碧落寺

流水溪边一径通  
参差殿阁倚晴空  
东林少箇开山祖  
何



处人间有运公

古寺荒凉不计年  
庭松相对欲参天  
入门不见溪堂主  
祇恐苍髯是老禅

和殷正卿韵

出入格

悠然相对酒杯闲  
忽有新诗落坐间  
唤起东篱无限兴  
黄花须待与君看

百计寻闲不得闲  
功名那取片时间  
谁知九日龙山客  
却被秋光冷眼看

游碧落

鳳臺縣志

卷之十七

詩

二八

壬寅重午日陪郡侯段正卿暨王用亨刘汉臣济  
之君祥仲宽姚子昂张唐臣禄卿平阳赵君玉王  
润之同行

浮云翳炎景  
长夏愜幽事  
相陪林下友  
共造金碧地  
清流漱寒玉  
老树耸苍翠  
何人开山祖  
妙处发天秘  
悠悠岁月深  
剥落磨崖字  
邀游兴不浅  
有酒留客醉  
幽鸟背人飞  
不惯闻鼓吹  
抵暮出山门  
溪风送归骑

上九里谷与济之君祥仲宽李德方朱寿之姚子昂  
同游漫兴



太行巍巍形势尊造物设险雄中原巨灵一朝擘石裂连峰忽断开山门侵云直上几千尺挂壁一径愁攀援十步回头五步坐慄慄汗出如浆翻清风掖至最高顶下视寰海尘埃昏天坛咫尺若有待顾我不往暂食言世间好处岂不爱脚力虽尽心长存为君试写远游兴夜半月出清吟魂

九里谷

九曲羊肠路千层剑戟山行钩藤蔓刺坐印石花斑树发三春暮云归万壑闲相陪林下屐虽倦不知还

鳳臺縣志

卷之十七

詩

二九

过星轺

古道开天险危峰拔地形连营南北戍过客短长亭野烧惊山鬼湖云掩将星何人弄羌管哀怨不堪听

宿夹谷彦实菴

挂名仙籍上晦迹茂林间门外丹河水墙头明月山境随心自远人与话俱闲应笑红尘客区区漫往还

游青莲

闲携方外友同谒梵王宫山吐三更月松摇万壑风流年飞鸟过浮世落花空不有归来兴何能见远公



行处春风恶山中胜概藏  
渐佳如蔗尾薄险似羊肠翠□  
双峰角清临一水堂  
夜长僧睡少为我话兴亡

送郡侯段正卿北行二首

征途万里朔风寒  
过尽阴山复有山  
岁既在於辰巳后  
星多客向斗牛间  
漫漫积雪无冬夏  
劫劫飞鸿自往还  
若到龙庭试回首  
太行一片白云闲

猎猎霜风堕指寒  
一鞭行色抵天山  
马嘶衰草孤烟外  
雁没长空落照间  
入塞尽穿氍毹帐  
过去乡须待锦衣  
还功名大抵黄粱梦  
薄有田园便好闲

雪后送宝泉之碧落

洒面轻风不作寒  
天花散落满人间  
殷勤行脚休辞远  
出得城门是雪山

下太行

山中日日伴云闲  
不见闲云只见山  
君去试从山下望  
青山却在白云闲

和平太行路韵

凿开险阻若天成  
暂使时间眼界平  
却羨长安西去路  
青山不管送人行



水簾洞

倒傾蛟室泻琼瑰孤落空巖雪浪堆卷地封姨收不起素娥垂下玉钩来

游司马山

千年古庙映崇冈寂寂空庭草树荒见说旱时求得雨一池应有老龙藏

宿横望

集唐

远上寒山石逕斜月临荒戍起啼鸦故乡今夜思千里每到花时不在家

鳳臺縣志

卷之十七

诗

三一

游青莲寺分韵得春字並序

己亥暮春十月八日刘巨川济之瀛汉臣王特升用亨郭甫仲山姚升子昂史显忠遂良同游福巖禅院与巨川彦广二山主道旧兵革之餘不胜感叹仍以春山多胜事为韵赋诗以纪其来

四面山围故故青茶烟榻畔坐忘身与师贪论安心法门外飞花送却春

掷笔台

空山老却涅槃师掷笔台前且过稀雉子岂知身后事至



今犹傍法堂飞

上桃固岭

匆匆出郭晓风寒一片云收爽气山上尽坡陀试回首人  
家住在翠微间

赵倅司马山谢雨

乙未岁旱自春徂夏五月丙申泽倅赵公唐斋沐  
洁诚就司马山祈祷八日庚子大雨年穀遂登民  
物安逸累获嘉应次年丁酉孟冬己丑公与本郡  
僚属父老人等具牲币酒醪箫鼓之礼仰答神庥

鳳臺縣志

卷之十七

詩

三三

仍求嗣岁祭毕聊识岁月云尔

去岁不雨民忧深愆阳亢甚多伏阴冥冥造物岂难料感  
以志诚神所歆我公默祷若响应出岫谁谓云无心天瓢  
疑是池中水三日以往皆为霖淋漓元气满人望解愠何  
止薰风琴家家豚酒乐丰岁空山鼎沸箫鼓音春祈秋报  
有常典仰荷灵贶如桑林

登山同谒吴泰伯祠

老树凋残尽灵祠寂历中古今时易改幽显意能通岁享  
屡丰乐俗追三让风送迎人散后落日乱山空



段侯行春显圣观喜雨

癸丑季春小旱清明后七日段侯正卿行县回会  
名流胜士五十餘人於仙翁山下之显圣观须臾  
雨作自未至亥而止大满人望酌酒相贺莫不尽  
酣适之兴张种德有诗因和韵以纪其盛元帅申  
甫段玉使姚升书於壁

行春冠盖暂踟躇谁信东山面目疏兴尽奚劳风送客气  
和不觉雨随车移民虽恨梁加少腐粟尤誇汉有餘独欲

吾儒有何贵自今牛角莫横书

伤 驺人  
种田事

鳳臺縣志

卷之十七

诗

三三

宿仙山朝元观题示

太行北走开四门川原落落风烟屯仙山西峙如虎踞石  
岭东抱犹龙奔道林中盘百餘亩顾揖殿寝何雄尊仙翁  
得仙事倘恍碧霞洞主元元孙百年朝元去不返宝籙秘  
泄风雷燉阴灵訶护石坛古老雨留渍苍苔痕缅怀矫矫  
东瀛老变化能大天溟鯤谢公本是济时具谁使卧老东  
山墩丰碑不愧蔡邕笔且拜遗像俨以温我来夏交树阴  
翳万橘翠琐分兰荪平生素有林壑癖苦厌闐闐埃霾昏  
每来福地爱潇爽跬步乃与仙凡分山川景气得人胜喜



对羽客开清尊夜深静卧日东出林影布地翻瑶琨天风  
吹空万籁息明星当上手可扪恍然人境两奇绝月露一  
洗清心魂世间尘土几千丈有梦不到瑶台垠人生几何  
胡不乐倒自跼束驹服辕惜哉清景不可驻一声啼鵙开  
林烟来朝人事随日出坐看蚁穴蜂衙喧

大阳值雪

扫地阴云拨不开北风吹落豆稽灰相逢父老应相笑直  
待山头白后来

拟和韦苏州游开元精舍

赵秉文

鳳臺縣志

卷之十七

诗

三四

松轩风扫静终日闭门居犬卧青苔地鸟衔红柿初瓶残  
夜禅起经润雨翻馀自是少人迹非关来往疎

开元寺

岁久开元寺黄色落石龙瓶深添碧甃蜗壁篆金容窗影  
年年塔禽栖夜夜钟平生睡秋雨竹阁味偏浓

李道人家山图

麻九畴

见说高斋住太行溪山襟带古祠堂圭桐叶落周家雨铁  
树根盘晋国霜烽火不堪畊夜月画图犹可挂残阳自怜  
不及汾州雁春去秋来过石梁



琵琶湓

赵忱

琵琶古湓上白水巨涧东翠巘巖巖植邦人号崆峒砥疑  
阿育手造塔馀神功凿开苍藓壁幻出青莲宫曲径盘修  
鳞危栏绕长虹危磴铁絙维邃户石穴通道人老鹤瘦霜  
眉覆碧瞳能於阿兰若具道初与终自昔唐室季盗兴广  
明中逃难有瞿昙此地揆蒿蓬始□巖洞陋渐葺栋宇隆  
迄今数百载金碧势□雄我来快登览燕坐心已融平日  
蹈巖险□知在虚空况对佳公子一轩谈笑同茗花泛春  
雪洒面摇溪风恍尔忘世累翩然若云鸿遣适凭高兴真

鳳臺縣志

卷之十七

詩

三五

无负衰翁

前題

路元

平昔乐山水宦游走西东之齐访灵崑适渭登崆峒暮年  
返乡间碌碌无成功特寻琵琶院如到兜率宫天花散檐  
葡萄宝光腾彩虹殿阁金碧炫洞穴玲珑通老僧古雪竇慧  
眼明方瞳过溪远相迓道话良有终暂得浮生闲似脱尘  
网中自愧微官缚蹤迹如飘蓬何敢望使君勇辞势位隆  
林泉高兴逸吟赏诗笔雄山神知其来气色徧和融凭高  
恣观览笑语鸣半空幸陪杖屨游所适心腹同临流古湓



上峭壁鼓清风未免龙中鹤仰羨天边鸿薄暮据鞍归壮哉矍铄翁

暮春游峡石山青莲寺

牛文郁

走马东郊正暮春看山透出石嶙峋一湾云水分金界十里烟霞隔世尘塔影遥从天外耸青螺浮向画中皴我来留宿招提境借扣禅关悟宿因

雪中过寒碧轩访潜叟道人

吴鼐

琳宫邃宇藏风烟簷簷竞长碧玉椽縱縱绕屋翳佳色门阶户席俱森然我来正值天飞雪点缀琼花更奇绝旋然

鳳臺縣志

卷之十七

诗

三六

石鼎煮新茶坐看遥山吐微月月澄疎影夜沉沉窗前愈见岁寒心道人莫厌勤灑扫此君与我相知深  
元

送张仲举归晋阳举进士二首

陈樵

籍甚张公子词华众所推门闾千里望天地一编诗花落山公宅云寒杵臼祠看君归晋日翻作别家时

挂帆谢公浦把酒闔闾城江柳不忍折春风当别行关云连楚暗陇月向吴生叶落长安道思君北问程

前题

范克昭



古寺萧萧山水间  
琼田月满鹤清闲  
石门深锁天风冷  
舞着天衣去不还

泽潞即事杂诗

王恽

自古徒兵泽潞雄  
选齐尤见四州公  
堂堂气与鼙声壮  
闪闪旗翻日脚红  
角声催日上牙城  
白羽风清坐阅兵  
盾鼻恐烦磨檄墨  
莫教华髮等闲生

过横望岭

终日山行不厌山  
出山聊喜慰衰颜  
朝来横望关头路  
满

鳳臺縣志

卷之十七

诗

三七

目风烟看洛川

游青莲寺

上方层阁倚晴烟  
回合诸峰耸碧莲  
午枕不容诗梦就  
天风吹雨下危颠

山行杂诗

太行元气老洪濛  
草树风前带润容  
山色只宜差远看  
近移空翠上高峰

西来游宦半忙闲  
六日迢迢道路间  
回转羊肠三百里  
天教马上饱看山



寄张仲举助教

成廷珪

三寄新诗竹下来多君高兴忆东淮  
尘埃没马昏归舍风  
雨听鸡晓入斋此日阳城须谏议  
当时方朔漫诙谐琼瑶  
花底相思夜酒满春城月满街

空谷山

王磐

昨日游黄华抵暮方言还今晨到空谷  
驱马五松边未移  
金门日还指元康烟山中富清境不暇相周旋  
大似山阴  
客望门却回船空怀上方寺矫首浮云颠  
瀑布落晴雪金  
灯开夜莲何当重经过巖下细流连

鳳臺縣志

卷之十七

诗

三八

周侯祠

蒋萑与

坟穿金甲去英气孰能齐射虎城南麓  
斩蛟祠下溪政声  
传宇宙文燄拂云霓莫怪征西事令人倍惨悽

栖霞观

李誠

太行绝胜在栖霞苍翠横空四面遮  
行过青溪松顶暗白  
云深处是仙家

门外清溪玉一湾屋头苍翠四围山  
世间底是真仙景若  
箇能来此地闲

几家墟落烟霞外数顷禾麻涧谷中  
转首云深迷去路恍



然身在武陵中

树头岚气鬱氤氲砌下清泉乱石分信步松间凝佇久晚  
风吹散一溪云

青莲山

董雄飞

层峦咫尺对青莲胜日跻攀会有缘我与白云盟已久不  
须更借买山钱

奉谢张蛻菴承旨先生旧赐诗

照鑑

潞国诗来秘监时青山入梦早思归於今喜接期颐寿还  
忆江南旧钓矶

鳳臺縣志

卷之十七

诗

三九

福巖即事

善住

村边几株红树屋外四面青山终日无人能到孤云薄暮  
飞还

太行望

郝经

半天遮断连青城参差雉堞云间横当时十岁初度河舟  
中错愕来相迎今年恰得到苏门百泉亭上更峥嵘千岳  
万壑人绝壁落日倒衔山尽赤玉立万仞磔鲸牙金翠千  
层拥鳌脊天沈影重看不足云净烟虚晚尤碧西北两峰  
寒云是双石人不觉泪横臆患难思二亲一从戎马三十



年桑梓惨澹埋荆榛何时突兀过绝顶拜扫圻园见乡井  
黄沙神头闻有千尺松灑尽苦泪吟长风注目只向东海  
东

去三汉见太行

二年大河间胸次洶馀浪身与天根浮泱泱随下上灵槎  
杳虚舟颠倒泥底样恍疑浑沌初溟滓天水象扬鞭得西  
归瞠目为一放举首见太行逸翠蜚万丈爽郎肝膽张豁  
达器宇旷真宰耸奇骨顿觉天地壮兹山自佳色何乃自  
凋丧吾家在椒嶢老雾横莽苍松楸日樵采山灵亦悽怆

鳳臺縣志

卷之十七

诗

四十

何时鹤髮翁攜我踏叠嶂虽无锦绣裹粗著文彩状山河  
表里全自古更霸王於今何索然死石徒映向在人不在  
山先民语无妄行行重行行落日两相忘

游泽州青莲寺

皇甫琰

叙分一径下林峦金碧觚稜紫翠间峻岭秀攢青菡萏孤  
峰突出玉湖山凿开一屋乾坤小占断千年日月闲浩浩  
兵尘满河朔天风吹不到禅关

过大行山

马伯琦

大行苍翠插秋旻叠岭重关自昔闻战国东西分晋赵中



原南北带河汾帝王都邑青青草豪杰勋名点点坟鸟道  
盘空频立马便从高处望飞云

并州歌送张彦洪使毕还河东

张翥

吾乡故人零落尽见子老成殊慰心祥金百鍊乃利器桐  
尾方焦逢赏音河东臬府幕下士飞传来作朝正使太和  
岭上盗已空旌旗尽是官车红杀人如麻道路绝朝狐莫  
梟竟巢穴严风剡起霜倒飞塞日黯淡寒无辉子来未几  
遽言归使我东望泪沾衣岂不闻并州少年游侠子手攜  
玉龙最轻死并州将军刘越石夜半登临长啸起汾河直

鳳臺縣志

卷之十七

詩

四一

来绕郡城雁门离石寒峥嵘老旻四叶弹丸地大梁全师  
劳再征一朝征贼辄破碎大将不诛天失刑为子作歌歌  
愤激眼中太行如动色安得壮士射乌弓为落樛枪连太  
白

城东废寺

一逕入荒寂松风长夏寒夜叉栖败屋魔女出空坛古佛  
金全剥遗碑字半剝时逢好事者别来薜文看

拾麦吟

大麦黄将上场田家拔麦村村忙丈人荷檐来何乡儿牵



姬衣妇挈囊汗流赤日如暴尪终朝拾穗不盈筐但永糠  
糝充饥肠身不及青楼娼风日不别惟膏粱

过天井关

刘秉忠

云冷风高天井关太行岭上看河湾九州占绝中原地一  
堑拦回左界山王霸分争图未捲英雄鏖战血犹殷华阳  
春草年年绿汗马南来不放闲

通济桥

元长

半空驾起苍龙眷不怕双溪水来急踏向亭亭高处望东  
西有路通南北

鳳臺縣志

卷之十七

诗

四二

继泽监野畊道壁间诗韵

马世德

解鞍高卧翠微间借得红尘半日闲老衲不知何处去白  
云满地鹤飞还

题叶隐居雪篷

买间

朔风吹雪满溪湾一叶凭虚独往还击楫正思歌玉树举  
头惊见失青山晓穷沧海模糊外夜泛银河荡浩间笑煞  
当年韩刺史苦寒骑马渡蓝关

明

弔蔣相如

高启



危计难成五步间，置君虎口卒全还。世人莫笑三间懦，不劝怀王会武关。

寓感六首之一

揽辔登太行，遥望洛北州。崤函正西峙，黄河复东流。百城无遗堵，云烟莽相繆。朝作冠盖场，暮为狐兔邱。昔人争此地，干戈迭相讐。当其得意时，连陌拥鸣驺。百年奄忽尽，魂魄空来游。曷见采芝叟，冥栖无所求。

斲老雄

宋 濂

宋饶歌昭义节度使李钧据泽潞弗服上御六师平

鳳臺縣志

卷之十七

诗

四三

之为斲老雄

斲老雄雄势蹙，连寇师树高。纛袭边城施，蚤毒王赫怒。势如戳百万，貔貅若林矗。行视嵯峨胜，平陆升城齐。呼山岳覆飞，矢贯臂拔其。鏃雄斯穷卑，炎熇朱鸟鸣。反舌缩反舌，缩四海服。

寄太素居士

王 冕

我昔扁舟上邪溪，寻君只过丹田西。长松月冷啼子规，春风满地芳草齐。楼殿玲珑金碧湧，钟声不出松云重。老猿掬涧山影乱，翠禽喙露晨花动。此时相见不作难，握手笑



上松花坛坛下十万青琅玕空阴漠漠常风寒我对青山  
论今古青山茫茫无一语知其与我忘尔汝石瓢酌我云  
根乳冷然使我肝膽清飄裙欲渡浮云轻千峰回影陷落  
日万壑欲尽松风声回首溪山忽成别几见江梅飞白雪  
洞庭湖上听夜雨仲宣楼头望明月熒熒对景伤古情寸  
心欲吐书难凭何当相晤一抵掌与君细看真兰亭

女娲墓

徐 贲

空山两高塚娲皇此中葬焦土积层巘势助殿阁壮大哉  
补天手功出千古上至今鍊馀石火气夜犹放轰雷常拥

鳳臺縣志

卷之十七

詩

四四

护烈风日掀荡阴林惨可畏怪木高数丈百鸟飞绕枝欲  
止不敢向地灵气所钟祭祷土人仰经过谒祠下幸获拜  
神像

天井关

峰迴抱深壑下视天凿井昔人建重关扼险备边警键钥  
久已绝垣石尚森整峨峨尼父祠门掩众山静曾闻此回  
辙无复过斯境询知乡老言此事古未省馀氓数家在破  
屋暮烟冷我行力稍疲景物不暇领且为投宿来惊风夜  
愁永



盘子城

子当为碗城

前登盘子城山隘势欲逼路迴上峭绝傍夹千仞壁石状  
如矩斲巨细总方直无泉土脉死草木尽改色高颠有堡  
障重门闭重棘阴惨行人险恶意叵易测信知狐鼠辈得  
在此中匿我生好壮观努力更攀陟立久日将晡浮云渺  
乡国

十八盘

土谷既深入高山复嶙峋微逕才百尺下转十八盘俯临  
涧壑险势陡不可看乱石斗磊砢置足恐不安长铗那可

鳳臺縣志

卷之十七

诗

四五

托藤蔓无由攀寸步每千虑举动如蹒跚心膽掉欲碎毛  
髮亦为寒战兢尚未足何暇发慨叹平生行路心此日方  
知难

羊肠坂

盘盘羊肠坂路如羊肠曲盘曲不足论峻陡苦踣躅上无  
树可援下有石乱蹙一步一嗟吁何以措手足途人互相  
顾屡见车折轴少时徒耳闻今日亲在目不经太行险那  
识安居福

题宋院人画盘车图

刘绩



大车盘盘牵不住小车碌碌推还去上阪下阪日千迴不  
离太行山侧路吴盐蜀米塞满箱鸟隼耳湿筋力强商人  
重货不畏虎饭牛夜夜宿车傍妻孥不须念行旅橐中有  
金皆乐土星餐露带逐队行但愿利多无所苦道傍往来  
多折轴谁人肯戒前车覆

旌忠庙弔后唐裴约

王 坚

嬴秦破洪荒末运开五季乾纲倒狂澜龙虎恣吞噬毒流  
沧溟深虐燄乾坤炽谁为柱石臣力挽回天势桓桓裴将  
军名节期砥砺伏事李嗣昭蹇腾贾英气夹寨守踰年忠

鳳臺縣志

卷之十七

詩

四六

誠旧昭义嗣昭领元戎甘苦同军吏一朝解重围汴水惊  
鼎沸周旋二纪餘相亲若肝肺南辕守泽城镇静得专制  
髻鬢巷有歌夜月庞不吠翠华重亲征赐姓神尧裔誓将  
雪昭陵问罪兴汉帜大勋以垂成元戎忽先逝继韜固佳  
儿胡为反徼利枢中肉未寒略不君亲视巍巍基霸功上  
党固屏蔽一朝与仇讐割断河东臂衔枚汴军来此邦可  
无备酬恩宁死忠临危敢攜二裹疮夜巡陴顾与城俱毙  
期将先軫元碎作睢阳厉情鍾唐帝怀死获将军志当时  
一武臣英烈乃如是嗟嗟冯大师曾不知垂涕朝为仇敌



人暮作君臣契累朝位三公亘古羞犬彘请观公之为九  
万见飞鸞堂堂欧阳公直笔著清议官崇刺史封庙锡旌  
忠諡芳名重山邱富贵诚梦寐我来守此邦雨暘赖神惠  
朝廷馐牺牲春秋谨时祭衣冠俨容仪黍稷加精糝广庭  
闻苾芳旋飏肃鸣骑觚觥晕朱囊丰碑勒雄记始知先圣  
王垂教重名器向如始皇君今日皆魑魅再拜瞻庙容斯  
文亘天地

松子岭

苏祐

松岭度寒曛高穿虎豹群太行应绝顶上党信遗文已觉

鳳臺縣志

卷之十七

诗

四七

中原隘还疑下界分双旌颭飞鸟缥缈入层云

秋雨宿黑石岭

杨巍

岭险藤迷路山高石作城片云何处雨孤客此时情茅屋  
几家在秋风半夜生旅魂愁已绝况听鼓鼙声

太行山行

石瑶

太行之山何崔嵬巖幽谷隐藏风雷汉军已料骑士屈魏  
武重叹车轮摧其间如陞下如井云作炊烟瀑垂縶羊牛  
只道求层霄鸡犬方知接人境山僧何年住山顶亦有山  
田二三顷非关避世应避名我欲从之玩流景



岳将军砦

太行忠义奋如云  
人血淋漓染战裙  
一战南阳馀孽扫  
梁兴本是岳家军

咏煤炭

于谦

凿开混沌得乌金  
藏畜阳和意最深  
爝火燃回春浩浩  
洪炉照破夜沉沉  
鼎彝元赖生成力  
铁石犹存死后心  
但愿苍生俱饱煖  
不辞辛苦出山林

下太行

西风落日草斑斑  
云薄秋容鸟独还  
两鬓霜华千里客  
马

鳳臺縣志

卷之十七

詩

四八

蹄又上太行山

登星轺驿楼

驿楼高架与云齐  
晚日登临思不迷  
捲幕全无三伏暑  
凭阑转觉众山低  
闲花故向吟边落  
野鸟偏於静处啼  
十六年来成一梦  
后人谁为继新题

暑月将自太行巡汴

三晋冲寒到中州  
冒雪回山川元不改  
节候自相催绿树  
连天暗丹葵向日开  
太行云缥缈搔首意徘徊

到泽州



信马天将暮离山路转平川  
萦太行驿树绕泽州城落日  
翻旗影长风送角声孤云在  
天际回首若为情

夏日过太行

信马行行过太行一川野色  
共苍茫云蒸雨气千峰暗树  
带溪声五月凉世事无端成  
蝶梦畏途随处转羊肠解鞍  
盘礴星轺驿却上高楼望故  
乡

谒李卫公祠

原杰

功施唐世建行祠景仰英风  
一弔之碑写嶽书铭在昔简  
遗将略式今时气滋碧草春  
生早精返苍冥月落迟庙古

鳳臺縣志

卷之十七

诗

四九

山迴人迹少虬松黛柏挂蛛丝

金陵问

李东阳

宋神宗熙宁中河南程顥以晋城令被荐为御史时参知政事王安石方用事帝问顥王安石是圣人否顥对曰诗称周公之德公孙硕肤赤舄几几圣人盖如此若安石刚褊自用殆非圣人顥居职八月与安石论时政不合遂乞去安石敬其忠信不深怒哲宗立召为宗正丞未行而卒留守文彦博参众论题其墓曰明道先生

王安石还圣人熙宁天子空称神程夫子真圣徒一言非



汗亦非谖世更有人如此无古来君相关气运河南不问  
金陵问一时言千载恨

苦寒行

李梦阳

太行之山何崔嵬天寒谿谷禽兽肥黄熊赤罴力相食翠  
翎绣翼徒南飞啄石饮泉百意足野田雉子寒无衣张罗  
挂竿伺鸟雀口作雌雄鸣且悲鹤鹑小鸟鼓翅落鼎食之  
家意不乐顿箸待尔登上品错奏应锤开泫堂氎围锦幄  
冬夜长微禽效体樽俎光秃鷲驾鹤当筵翔

杂诗

鳳臺縣志

卷之十七

诗

五十

共工触山折夸父去无还媧氏怀忧伤炼石思造天妖姬  
鼓哀瑟嬉戏玉台间草昧怨无侯哲者中自煎小鸟填巨  
海芦灰遏洪川力诚有不及心情良可怜

辕下驹

何景明

辕下驹鸣声一何悲岂无万里志跼蹐安能施诘曲羊肠  
坂垒垒太行谷车轮不行白日歿仰思玉山意超忽君不  
见八骏日行万里驰烟掠景谁能拘吁嗟乎辕下驹

岳将军砦

樛枪弄芒天改色汴京失守乘輿北鄂王唾手复中原两



河豪杰皆奋力刊山筑岩声裂空和议悞国隳成功千秋  
英魂或游此森森草树生悲风

星轺驿雨中别林八南还

高叔嗣

驿外阴云合牕中宿雨含深巖龙自斗险路马能谙短髮  
星星甚长愁日日堪休将南望泪归傍二亲谈

星轺驿

万山诘曲此孤亭远客西行暂所经生事不堪头早白世  
情无赖眼常青深林落日凭轩望乱叶吟风隔坐听寄谢  
蔚罗当日者高飞今已入冥冥

宿太行寄忆马仲房

常伦

盘纒太行道行行冲北风伏马疲日暮息徒莽苍中之子  
倏异域晤言畴与同展测不能寝抚剑临前楹明月望霄  
汉四冲罗列星咄彼参与商使我心忡忡

送马守之泽州

王崇庆

寂寞山城里春风未有花野塘新水细茅店酒旗斜故国  
音书断长安道路賒何时共知己倾倒酌流霞

太行歌

祝允明

上客坐高堂听仆歌太行六岁从先公骑马出晋阳遥循



厚土足忽上天中央但闻风雷声不见日月光孤兔绕马  
蹄虎豹嗥树旁衡跨数十州四面殊封疆童心多惊慄壮  
气已飞扬自来江南郡佳丽称吾乡邈哉雄豪观寤寐不  
可忘人生非太行耳目空茫茫

汉天子岭

汉光武追  
铜马过北

乔宇

县西石岭高宠从羊肠诘曲蹊径通将军提兵讨河北王  
室正在崎岖中中原赤符归白水豺虎遁藏铜马死道傍  
过者仰遗踪犹说神灵汉天子

星轺值雪

孟阳

鳳臺縣志

卷之十七

诗

五二

山城二月雪纷飞陡觉寒生客子衣危石润沾迟马足傍  
途烟爨掩柴扉声声林雀栖枝转点点春花入望微自笑  
壮怀浑未已年年关陕两番归

初登太行迴望有思

李攀龙

千山立马送斜晖平楚苍然色渐微最是东南欲尽处黏  
天一点白云飞

入太行遇风雨回望中原即景有述

百盘天益孟门雄赵魏山川指掌中一柱雨縹穿落日千  
巖云脚断迴风黄龙倒峡河流上白马俄惊练影空自是



壮游尊馭在不將愁向阮车穷

登黄榆马陵诸山四首

太行山色倚嶙峋绝顶清秋万里看地折黄河趋碣石天  
迴紫塞抱长安悲风大壑飞流曲白日千崖落木寒向夕  
振衣来朔雨关门萧瑟罢凭栏

西岭秋高大陆前马陵寒影踏遥天群峰不断浮云驻绝  
嶂长留落日悬地险关门衔急峡山奇削壁挂飞泉何人  
更遇清泥坂有客空歌白石篇

西来山色照邢襄北走并州拥大荒巨麓秋阴沙渺渺石

鳳臺縣志

卷之十七

诗

五三

门寒气雨苍苍天边睥睨悬勾注树杪飞流挂浊漳摇落  
故人堪极日朔风千里白云长

千峰郡阁望嵯峨此日褰帷按塞过落木悲风鸿雁远白  
云秋色太行多山连大陆蟠三晋水划中原散九河回首  
蓟门多杀气羽林诸将任横戈

早发坡泉薄莫至太行山下

谢榛

地分三晋此山川形胜迢遥在马前乱石斜通青草路太  
行横断夕阳天漫垂云气孤村雨时聒乡心几树蝉不及  
阮宣随处醉兴来即解杖头钱



度太行

贫客无定处策马向苍茫回首意何极知心交自长野云  
低远水山鸟度斜阳万折艰危尽吁嗟此太行

于泽州子冲感怀诗

屠 隆

于子洵卓犖束髮著英声自言御李君啸咤主齐盟青天  
扞日观海气朗晶荧一麾导泽潞五马荣专城既悟元同  
理遂抒拯物情竹素如可托千秋遗嘉名

望太行

唐顺之

北望太行山岭岑霄汉间倚天开叠嶂画地作重关车向

鳳臺縣志

卷之十七

诗

五四

羊肠转入从鸟道还一为寒苦曲泪下摧心颜

拦车镇谒孔庙

刘 龙

孔辙曾闻返太行周流原未到吾乡犊洙早已闻河上鼠  
立空传在道傍赖有山河雄表里更凭风俗擅虞唐今逢  
四海同文日古庙丹青自夕阳

半癡

徐 渭

厄与癡相半禽将鼠共县味虽供客好各却使人怜所下  
惟双筯何妨少一拳如闻三嗅叟笑杀雉羹筵

冬日游暖泉

王国光



万壑烟霞别有多朔风羸马转羊肠山深似觉樵人语泉  
缓犹闻野苻香瑞合青牛高士谷云连紫府大罗堂夜来  
箫管和猿听谁识蓬瀛兴趣长

青莲寺

碛门深锁法王庭谷转丹河浸石屏月上晚山双角起云  
开晓日一莲青桂函锦落尚书卷珠阁龙蟠贝叶经纵我  
老怀宁忍去时登掷笔入苍冥

春游乾明寺

周盘

春深骑马过招提碧草含烟翠欲迷石径风来花乱落柴

鳳臺縣志

卷之十七

诗

五五

门客至鸟争啼云间好共山僧伴松老偏宜野鹤栖坐对  
禅牀啜清茗一声钟磬度窗西

饮五龙谿

一脉寒泉石罅生松萝夹岸醮云清源深疑傍蛟龙窟谿  
静堪寻鸥鹭盟野寺僧间频洗钵沧浪尘远欲投纓与君  
不惜临流醉为爱芳湍足解醒

碧落松寺

张养蒙

谁种万株松森森寺外峰眠云青靄乱度月翠阴浓曲盖  
凌巖起盘根带石封风迴清响合雨过碧烟重千古先朝



植花香静土供冰霜原有操桃李岂为容坐息菩提树三生此地逢

### 宿碧落寺

去住从来未可凭暂偷闲卧碧云层朝趋梵阁依三宝夜扣禅关对一灯槛外疎风摇古树桥边细雨长新藤端居悟却无生理浑是山中老衲僧

### 中秋游青莲寺

胜游那不恋同群共向禅关叩白云石磴萦迴千嶂合珠林窈窕一溪分鸞巖秀落青莲色龙藏香含贝叶文夜月

### 鳳臺縣志

### 卷之十七

诗

五六

禅心清似水何如终日苦尘氛

### 集樊山最高处分得樊字

张慎言

往时但见白云樊是日登临秋满原山叠层岚非一貌霞明细水带多村暄寒顷刻更单衿晴雨纷纭异旦昏为嘱诸君休再醉诘朝清栢看朝曦

### 里选行为督学袁临侯作

千秋元气安所属权舆无乃归文章太朴未分光嶽气淋漓真宰开元黄文章要自有元始炳灵精气根廉耻古来帝王与圣贤於中升降而起止所以养气能知言从来学



问自渊源庖羲诸老至今在吁嗟此道谁能诠淑气流奔  
难仆数鼎锤毫髮县丝缕公道尚存万分一略在里选与  
乡举三十年前此道存弟子先生各自尊谁知三十年一  
变世运江河不可论中间璪璪羞覩缕竿牒纷纭争客主  
古今名器真可惜忽将此物换阿堵帝遣文章司命来执  
法人兼内外台手握斯文三寸玺瑶光西指风云开辞阍  
旧牒烦更补尔时圣主已心许无何终尔用其说君明巨  
直良千古气之所主文在兹后先瞻顾怜几希睠言晋鄙  
二三子目击於焉斯取斯好醜妍媸士自取寂然不譊如

鳳臺縣志

卷之十七

詩

五七

处女何以荆棘与芝兰造物无私等化雨汪洋千顷净无  
波悠悠我心舞复歌无盐嫫母各自怨拂拭将如明镜何  
青青子衿歌且舞铅臭铜腥羞与伍作人造士如斯夫往  
者此道弃如土使者自视曩何轻奎壁文昌是尔星象纬  
河山关气色文思千载系钦明气运文章相表里风俗人  
心更伏倚今之君子不谓然鄙夫持论终如此参井之间  
岂无人重瞳老子尚未死炯炯双眸照厥里

题璇源张郡侯卻金輿颂册

董其昌

此判南山不可移颂声宁独麦双岐即看华表含愁意正



是秦宫照膽时天子再传关石事史家添入岷亭碑却金  
应拜黄金赐名姓书屏黼辰知

蔣相如庙

裴 騫

遗像千年在荒山半亩宫负荆愆小忿完璧有全功酒对  
金樽绿花看霜树红我来秋色里感慨思何穷

登太行

章 适

踌躇太行道怅望白云阴亲舍偏东极皇居直北深宦途  
来复去世事古犹今亦负驰驱意悠悠岁月侵

太行路

申 甫

鳳臺縣志

卷之十七

诗

五八

太行路何崎岖相逢尽道能摧车冷云直上三万丈一线  
之宇百折通天衢飞猿健鹄不得上古空雪嵌巖但见巔  
峰叠巘宛如快剑削出青芙蓉霞吐云蒸如画图天坛王  
屋遥相望洞府往来飞仙居元气老不死挺然南坡君子  
儒居仁由义力有餘闲户琅琅勤读书二老策杖遥相访  
珊珊杂佩锵琼琚敛容拱手起坐隅山鬼独脚呼揶揄秋  
风拂焦尾夜月弹昆吾物欲净如扫玉鑑与冰壶岂是逢  
蒿人真诚大丈夫奈何时不偶笑彼三匝乌熙熙慕景垂  
桑榆夜来天使敕玉符策杖遥遥下太行应聘远朝天子



都致君尧舜歌唐虞

青莲寺

裴宇

千峰列嶂翠烟笼一径纡迴石磴通  
壑转层台削壁立林开组殿倚云雄  
东西魏晋昂藏内表里山河胜概中  
独念宦游清赏晚从今结社抚松丛

青莲寺

王大学

青莲胜据丹山轴罅嶂屏岚乱云轟  
穷苍咫尺可跻攀殿阁巍峨俯林麓  
山僧磬击双峡开薜萝梯尽上层台  
振衣掷笔巖花落望剧南飞鸟倦回石  
竅通源清且冽疑有神

鳳臺縣志

卷之十七

诗

五九

蛟此旋结逐客临流肆濯缨淋漓墨灑成碑碣  
飞觥徙倚山之颠如凭鹤馭临风烟钧天节奏入  
丝竹合浦珠玑缀坐筵涧底流虹奋华渚天边孤  
雁来苍屿壮心犹自为秋惊四顾枫梧坠几许禾  
黍垂垂遍大畴斜阳牧笛何悠悠钟落空山村欲  
暮野灯数点剩溪头篆炉香霭浮丹阙火树星繁  
匝琪樾孤虬吼动万壑风双蛾捧超千山月地灵  
多产贤且豪丰襟海阔天之高直探龙窟度空谷  
坐看瀑布觴随涛无奈好山僧占住便欲参禅诵  
经句白云红日关我心负却山林此知遇



青莲寺

万表

借榻青莲舍从云碧树林  
迥寒人正寂明月夜初沉  
幽独身忘旅虚闲自适心  
犹嫌不讳姓渐有客相寻  
多病因辞宦山中每独行  
浮云看世远短褐觉身轻  
出处曾何定衰荣已数更  
不须除老病吾欲悟无生

南征

张铨

抗旌出溲泽飞轡陟太行  
太行五千仞曲折盘羊肠  
翠岚冒列岫丹葩被重冈  
赤日行林杪轻霞挂石梁  
猿狖向客啼鸿雁背人翔  
登高一骋望我心惨以伤  
故园不可见白

鳳臺縣志

卷之十七

诗

六十

云杳茫茫相去百除里已隔天  
一方叱馭凌绝险迴车愧  
王阳

题望云思亲图

驻马徘徊意惨然庭帟遥望白云边  
凭将几点思亲泪留得唐家二百年

下太行

王心一

驱车上太行山顽无奇石透迤有千盘  
石磴转偏侧譬如摩空鸟渐与青云迫  
俯见苍崖间春花间红白山家爱尺  
士从横界如画上有千年碑孔父留  
辙迹摩沙落日迟返



景射石壁祇虑豺虎骄解鞍投荒驿

盐车行

文太青

盐井解州大利权阻修只恨太行山谁牵代北拳毛锦  
溢厕蹇蹄共皂闲盐车飞輓薄其领羊肠缚却追风影  
伯乐下车攀哭之骥亦喷鸣为引颈满身悉辨五花云  
拂拭灑汗赤鬣整试捷先周地一迴绕日三匝汉关开  
庸人止解观牝牡愿君槌碎千金台

炼石补天引

娲皇补处痕何在安得乘龙摩天盖我道不补固无害天

鳳臺縣志

卷之十七

诗

六一

门开豁非天壤强掣四维良可怪向来元气通呼吸竭帝  
直窥闾闔外自炼顽石填太虚天眼天耳不如初尚敢贪  
功诳我徒帝座有时抉一竅挥堕冥滓总不须

羊肠坂

既出井中天旋向肠中盘碾子谷往且复磨盘寨环而曲  
不堪牛难又峦层欲脱马牢翻涧複自朝直至日中昃周  
遭只在山之腹

辙迹篇

南有横望北有天井太行冠绝此双峦七萃不堪御太丙



嶮石云拦尼父车如舞雨骖穿恁等至河而返叹洋洋后  
生於此引项领盖云圣辙指曾西望河如挽中流影转忆  
鸣犊与舜华凤见覆巢不入境石痕莽互尚交纵髻髯八  
龙此驰骋乃知周穆车辙马足到赤阳宾於王母群玉之  
山亦画饼竹书誇诩诳齐州汉武故事资谈警上元果有  
蹇修媒湘君真烦下女请赵州足陷纸驴桥南山羽饮石  
虎岭元美轺轩不入关代之题名莲岳顶尝读山海大荒  
经颞頊山或海外迥即今圣宇遍天涯更斧丰隆空山永  
无地可藏王莽头晋庠回禄炬一秉

鳳臺縣志

卷之十七

詩

六一

怀明道先生

汉庭吏事不须惊也令扶沟令晋城岂少一双霹雳手此  
翁独表大儒名

孟门行

丁巳二十日发万善驿北上太行之麓仰盘二十里至  
碗子城为晋界是为孟门即周穆王所登九河之隘者  
又盘二十里至横望镇狄公反顾河阳处是为太行之  
颠古称自麓至此为羊肠坂又北行山颠二十里至星  
轺驿有古体诗五首二十一日为太夫人初度遥拜潜



然遂陟降山巔二十里至天井关有孔子回车辙迹石  
痕如黑花俗称先圣於此滴砚竭回车庙又降十里一  
说为羊肠坂又三十里至泽州其驿太行有古今诗九  
首明日西至阳城县有古体诗二首明日至沁水县雪  
坂临壑穷殫险悸有古今诗三首

北陟孟门陞诘曲且巉巖转轮青天上推轂北斗南后顶  
前踵灭前蹄后齿衔盘礴碗子城良嶽覆眉尖筑此连山  
象河内据而塹斩截太行足上党失门槛祖宗有深意一  
线绝垂驂魁枢枕参首晋星望石甘天街界戎夏王气岂

鳳臺縣志

卷之十七

詩

六三

須厌我朝都幽冀右臂伏云嵐井陘实扼要紫荆亦喉颌  
山东作保地中州因蝗蝻生防运道塞真定掉孤檐徐州  
控四达所恃济宁参大名犬牙错齐魏互吞含太岳天城  
郭秦蜀鑿帷幃夏国宜着眼山右莫轻譚

橫望吟

自汴量移并法曹亲舍河阳反顾劳白云孤飞寸心忉忉  
君陟岩兼陟岵去之百里尚鬱陶而我於役五华矣岁暮  
依依叹归滔自分肝膽匪金石堪以涕痕浣使袍北山渐  
淹王事急仆马两旬已出朝



泽州使院松五句体

老龙向我拱而拜拔地如撑曲柄盖山鬼晓事倘可呼惊  
此送我出山外放还仍夏亭前籟

游碧落寺

张升

流水滔滔自北来穿巖激石几时回山僧枕上惊残梦疑  
是长空送雨雷

去郡书署中壁

许维新

良因多疾病岂敢问巢由负俗能无累怀人尚可留秋风  
生桂树夜月动扁舟不尽人间事何劳空复愁

鳳臺縣志

卷之十七

诗

六四

乳窠

傅淑训

山月溪云映石牀到来青火入僊房悬崖乳滴仙人露怪  
壑泉飘玉女浆壶口洞幽仍未险武陵花满不闻香避秦  
今日逢□说漫说天台在太行

重过太行

碗子城头白昼阴振衣直蹶碧云岑星轺驿引輶轩过王  
屋山藏虎豹深望远欲穷天外日登高一寄日边心道傍  
更有迴车辙衰凤还为楚客吟

校士高都追憶旧游十二经霜矣



空庭无伴影徘徊城柝朝传暮角催五马风流垂欲尽□  
生狂简自知裁郢人白云空留曲燕市黄金有筑台垂壁  
尚存吾齿长将因投劾赋归来

泽署阻雨

练国事

方倦山程道路赊又逢积雨对孤衙能添绿竹故园色防  
损碧桃前日花不为微寒思酒力转因久客惜春华输将  
万日应呼霁危戎於今正量沙

宿碧落寺

孟思

来往倦行役未暇理幽躅侧闻静者庐窈窕在心曲初入

鳳臺縣志

卷之十七

詩

六五

履巖嶮渐转开平陆逶迤到山岗金碧绚人目青松冒层  
峦白云隐深谷时值天雨新春景媚晴煦度涧浥花香缘  
谿采芳罍始知簪组轻转觉塵世俗日暮不知归就此山

中宿

憩碧落寺

孟颜

灑灑清风禅境净幽人乘兴复相过螺岗斜日晴辉满蚓  
涧流光翠色多逕草含霜犹自绿山童娱景任长歌年华  
逝水相流转肯向塵中散委和

游碧落寺



□松深处隐招提携客扣萝路转迷钟梵远疑千壑应□  
楼平瞰万峰齐野藤走壁青连瓦古木横桥绿覆谿一日  
为僧知便得何须祝髮是皈依

秋日饮松岭寺

孟雷

松岭古多寺登临不惮劳大门盘石上晋普入云高爽籁  
生僧院晴岚染客袍故人具樽酒列坐尽英豪

碧落寺

孟霏

青山日暮散虚岚秉烛开樽更盍簪寂寂禅房清夜久棋  
声应过画桥南

鳳臺縣志

卷之十七

诗

六六

煖泉望城子崖

李蓁

灵山东畔碧湍回社鼓秋高发县隈万树凉风吹不尽一  
鞭斜日煖泉来

春夜宿莲花洞

吕阳

寻真深入晋山隈试向阴巖问野梅鹿女已从塵外去莲  
花犹傍洞前开律吹一夜春迴谷云敛中天月满台可是  
仙蹤知不远珊珊环珮步虚来

宿莲花洞

裴邦奇

姑峰千丈插云隈绰约莲垂玉洞开一夜灵风天外起三



山仙珮月中来星临幽窟龙珠动露酒长松鹤梦迴欲借  
石牀聊偃卧满空寒翠湿青苔

双林寺

孙继鲁

南下泉台三十里忽逢佳寺说双林山前耕地有千亩门  
外好松常数寻凉拂溪风消暑气香澹涧水滌烦襟觉馀  
一枕藜牀梦自扫苍霞烂漫吟

己卯仲夏予来获泽署中地颇宏敞前后有苍松古  
柏翠篠映带轩楹墀下麦穗芄芄更饶野趣坐对  
殊不知跼踖於几席间也

于汉翔

鳳臺縣志

卷之十七

诗

六七

晴烟漠漠草菲菲入坐薰风满絳帟石上围棋松子落窗  
前酺酒楝花飞未能相马空骐驎漫说传经有钵衣此去  
太行山不远白云许我切瞻依

宛是江南四月天朱樱紫笋佐宾筵鱸堂许割先生席藜  
阁难分太乙燃麦浪一簾风过隙山烟满案雨来前收将  
墅况供书幄珍重题诗拂锦笺

净影寺

王绪宏

四围山壁立天光一线通巖开知鸟道嶂合是幽宫塔影  
千年月涛鸣六月风应知潭法处龙象报神功



太行

傅山

紫盘天井上青幕太行郭风雨诗何壮冈峦气不奴争韩  
来破赵报楚去吞吴临老河水眼苍茫得酒壶

凤台县志卷之十七终

鳳臺縣志

卷之十七

诗

六八



